

**Meeqqat atuarfianni ilinniusiat (atuartitsissutit) qaffasissusaanik Naalakkersuisut misissueqqullugit peqquneqarnissaanik Inatsisartut aalajangiiffigisassaattut siunnersuut. Misissuinermit inerniliussaqa UKA2017-imi saqqummiunneqassaaq.**  
(Inatsisartunut ilaasortaqa Suka K. Frederiksen, Siumut)

### **Akissuteqaat**

(Ilinniartitaanermit, Kultureqarnermit, Ilisimagusarnermit Ilageeqarnermullu Naalakkersuisoq)

### **Siullermeerinninneq**

Meeqqat atuarfianni ilinniartitsinermit atortussat misissorneqarnissaat pillugu siunnersuummut Naalakkersuisut qujapput.

Naalakkersuisut aallaqqaasiullugu uparuassavaat meeqqat atuarfianni ilinniartitsissutini ilinniartitsissutillu immikkoortuini atuartitsinerit tamarmik klassit qaffasissusaannut anguniakkat, ilinniartitsissutini anguniakkat ilikkagassatullu anguniakkat qitiusumit aalajangersarneqartut aallaavigalugit pissasut. Iikkagassatut angusassat anguniarlugit atuartut ilinniartitsissutini killiffiat ineriartornerallu qulakkeerniarlugit ilinniusiat suut atuartinneqartunut tulluunnerunersut ilinniartitsisut ataasiakkaat nalilersussavaat. Taamaalilluni atuartitsinermit atortunik aalajangersimasunik ilaatigut nunatsinni Ilinniusiorfiup suliarinikuusaanik ilinniartitsisut toqqaanissaat pillugu piumasaqaateqanngilaq, taamaalilluni atuartitsinermit qaffasissutsimut aalajangiisunik aamma ilinniartitsinermit atortussaqaanngilaq, ilinniartitsisulli ilikkagassatut anguniakkat atuartitsissutitut ilisimasani atuartullu piginnaasaanik ilisimasani aallaavigalugit, atortut suut atuartitsinermit toqqaarneqassanersut aalajangissavaa. Nunarsuarmi qaniliartornermit minnerunngitsumillu internetip atugaaleriartornerani nunatsinni ilinniartitsisut atuartitsinermit atortussanik nunatsinni imaluunniit Danmarkimi ineriartortinneqarnikunik atuisussaatitaajunnaarnikuupput. Ilinniartitsisut atuartitsinermit pilersaarusiorminni minnerunngitsumillu atuartitsinerup ingerlannerani paasisutissanik amerlanerungaartunik amerlaqisunillu atugassaqarput. Taamaammatt Naalakkersuisut ilinniartitsisut internetti aqutigalugu atuartitsinermit atortussanik ujarlersinnaanerit ajornartorsiutitut isiginngilaat akerlianilli.

Meeqqat atuarfiat pillugu inatsisip 2002-mi allangortinneqarnerata kingorna ilinniusiat Ilinniusiorfimmit suliarineqarnikut meeqqat atuarfianni ilinniartitsissutini ilinniartitsisutillu immikkoortuini ilikkagassatut anguniakkat aallaavigalugit suliarinarneqarnikuupput. Ilinniusiorfik 2002-p kingorna atuakkat nutaat 637-t saqqummersinnikuuai, tamassumalu assigaa meeqqat atuarfianni ilinniartitsissutini atuartitsissutillu immikkoortuini tamani atuakkat ukiumut 45-it missaat. (1980-p kingorna atuakkat 1383-it saqqummersinneqarnikuupput). Tamassuma saniatigut piffissami tassani atuartitsimi atortussat 424-t naqiteqqinneqarnikuupput, tassa ilinniusiat ukiumut 30-t missaaniittut naqiteqqinneqarnikuupput. Atortussat ilinniartitsissutini ilikkagassatut anguniakkat inatsisini piumasaqaatigineqartut malillugit Ilinniusiorfiup soorunami tamatigut

saqqummersinniartarpai. Nunatsinnilu innuttaasut amerlassusaannut sanilliullugu Naalackersuisut naliliinerat malillugu iluatsitsiviusorujussuunikuuvoq. Soorunami tamatigut pitsaaneruseqarsinnaavugut, tamannalu ilaatigut periarfissat pissarsivissat elektroniskiusut siunissami saqqummersitassanik pilersaarusiormi atorpeqarsinnaasut ilanngullugit eqqarsaatigineqarnissaat Ilinniartitsinermut Aqutsisoqarfiup ilisimavaa.

Naalackersuisut maluginiarpaat sulisup AC-p ataatsip ukioq tamaat suliffiata 3/4-ia atorlugu misissuineq tamaat ingerlanneqarsinnaasooq siunnersuuteqartup missingeraa. Kisiannili nunami tamarmi ilinniartitsissutini ilinniartitsissutillu immikkoortuini tamani ilinniusiat meeqqallu atuarianni ilutigiinnut tamanut suliarineqarnikkut misissorneqassappata ukiumut suliffissatut missingerneqartoq piviusorsioortuunngilluinnartoq. Naalackersuisut isumaqarput uku sinaakkutit periarfissiinngitsut ilinniartitsissutini anguniakkat ilikkagassatullu anguniakkat tamaasa paasisaqarfiginissaannut meeqqat atuarianni ilinniartitsissutini ilinniartitsissutillu immikkoortuini tamani ilinniusiat qaffasissusaat tatiginartumik nalilersornissaannut, aamma siunnersuutip piffissarititap iluani nalilersuisinnaanngitsutut.

Meeqqat atuarianni atuartitsissutini atortussat pitsaassusaat sukumiisumik nalilersorneqassapput qaffasissumik illersorneqarsinnaasumik, Naalackersuisut naliliipput nalilersuisoqatigiinnik atortussat ilinniartitsinermi, perorsaanermi ilikkagassatullu imarisaannik piginnaasaqartunik pilersitsinissaq pisariaqartoq. Naalackersuisut naliliipput meeqqat atuarianni ilinniartitsissutinut ataasiakkaanut ukioq tamaat suliffiit marluk pingasut pisariaqartut, nammineq toqqagassat angajullerni ilinniartitsissutit quliupput, inunnillu taamatut misissuisinnaasunik nassaarniarnissaq ajornakusoortorujussuussaaq. Aammattaaq naliliisoqarpoq aningaasanut inatsimmi ilinniartitaanermut aningaasaliissutigineqartut iluanni aningaasanik nassaarnissaq maannakkut ajornakusuussasooq. Siunnersuut taamatut oqaasertaqartillugu piviusunngortinneqarsinnaanngitsoq Naalackersuisut isumaqarput, itigartitsissutigineqarnissaalu inassuteqaatigalugu.